

重刊道藏輯要

天下名山記

新安吳秋士西邨選

汪立名西亭校訂

江南

菱溪石記

歐陽修

菱溪之石有六其四爲人取去其一差小而尤奇亦藏民家其最大者偃然僵卧于溪側以其難徙故得獨存每歲寒霜落水涸而石出溪旁人見其可怪往往祀以爲神菱溪按圖與經皆不載唐會昌中刺史李漬爲苻溪記云水出永陽嶺西經皇道山下以地求之今無所謂苻溪者詢於滁州人曰此溪是也楊

道藏輯要

天下名山記
江南菱溪歐

一

軫集二
又士

行密據淮南准人爲諱其嫌名以苻爲菱理或然也溪旁若有遺址云故將劉金之宅石卽劉氏之物也金僞吳時貴將與行密俱起合淝號二十六英雄金其一也金本武夫悍卒而乃能知愛賞奇異爲兒女子之好豈非遭逢亂世功成志得驕於富貴之佚欲而然耶想其陂池臺榭奇木異草與此石稱亦一時之盛哉今劉氏之後散爲編氓尙有居溪旁者予感夫人物之廢興惜其可愛而反棄也乃以三牛曳置幽谷又索其小者得於白塔民朱氏遂立於亭之南北亭負城而近以爲滁人歲時嬉游之好夫物之奇者棄沒於幽遠則可惜置之耳目則愛者不免取之而去嗟夫劉金者雖不足道然亦可謂雄勇之士其

平生志意豈不偉哉及其後世荒烟零落至於子孫泯沒而無聞况又長有此石乎用此可爲富貴者之戒而好奇之士聞此石者可以一賞而足何必取而去也哉

道藏輯要

天下名山記
江南菱溪歐

二

軫集二
三十一